

PLAN DI ASERKAMENTU PROYEKTO “REDUKSHON PERIODO DI DURASHON PA SERAMENTU ANUAL I KONTROL DI AKOUNTENT DI KUENTA ANUAL KORSOU”

Resúmen di gerensia

Proyekto “Redukshon periodo di durashon seramentu anual i kontrol di akountent di kuenta anual Kòrsou”.	
Pais: Kòrsou	
Tema: Atministrashon finansiero	
Medida: A1 Kontrol finansiero i di maneho, funshon di ouditoria i posishon di Hunta di Konseho i Kontrolaria General.	
Motibu	No ta entregá i stipulá e kuenta anual di Kòrsou na tempu i banda di esei e kontrol di e kuenta anual ta dura mas largu tambe ku e máksimo di 6 siman preskribí. Auditdienst Rijk (ADR) hulandes a hasi un investigashon i a duna rekomendashonnan pa redusí e periodo di durashon di seramentu anual i kontrol di akountent di kuenta anual di Pais Kòrsou. E dos rekomendashonnan mas importante tabata: <ol style="list-style-type: none"> 1. Mehora repartishon di responsabilidat relashoná ku atministrashon i kuenta(nan) anual, pa kua e ministerionan mes ta bira mas responsabel pa bon atministrashon finansiero i pa e informashon den e kuenta anual; 2. Mehora struktura di atministrashon, archivamentu di dokumentonan original i separashon di funshonnan.
Meta	Meta di e proyekto ta pa mehora repartishon di responsabilidat i struktura di e atministrashon, di manera ku ta mehora e proseso di entrega i kontrol di e kuenta anual i ta redusí e periodo di durashon di e seramentu anual i e kontrol di akountent, di manera ku finalmente por kumpli ku e norma inklui den e Rft.
Definishon di e proyekto	Basá riba meta i enkargo di e proyekto a definí kuater suproyekto : <ol style="list-style-type: none"> 1. Investigá i implementá e struktura mas eficiente i e kondishonnan esensial nesesario pa yega na un atministrashon kualitativo/adekuá den EnterpriseOne pa kada ministerio. 2. Inventarisá i implementá konosementu, kapasidat i hèrmèntnan ku e ministerionan tin mester pa hasi nan mes esun responsabel na final pa minusiosidat i legitimidat di e informashon finansiero. 3. Traha pa alkansá kontrol finansiero pa medio di e Internal Audit Departement di tal forma ku SOAB por dependé riba esei ora di hasi trabounan di kontrol pa e kuenta anual. 4. Adaptashon di e deadlinenan inkorporá den legislashon di Kòrsou, konforme e deadlinenan inkorporá den e Lei Supervishon finansiero Kòrsou i Sint Maarten pa redusí seramentu anual i kontrol di akountent di e kuenta anual di pais Kòrsou.
Enkargo	<ul style="list-style-type: none"> • Inventarisá i analisá kon por mehora e repartishon di responsabilidat i strukturá e atministrashon; • Traha un plan di implementashon pa mehora repartishon di responsabilidat i struktura di e atministrashon; • Implementashon (paso pa paso) di e mehorashonnan den repartishon di responsabilidat i struktura di e atministrashon; • Hasi palabrashonnan entre e Internal Audit Departement di Ministerio di Finansa i SOAB pa mehora e trabounan di kontrol interno, di manera ku SOAB por konfia mihó riba esakinan; • Implementá e ahustenan nesesario den planifikashon di e proseso di responsabilisashon i kontrol i implementá legislashon.

Akshon skohé	<ul style="list-style-type: none"> • Un ofisina di investigashon eksterno lo ehekutá pa gran parti e inventarisashon i formulashon di e plan di implementashon pa e suproyektonan 1 i 2. • Implementashon di e suproyektonan 1 i 2 segun espektativa lo tuma lugá den fase. Basá riba e inventarisashon ta stipulá un plan di aserkamentu pa implementashon. • Pa suproyekto 3 i 4 lo pidi Nederlandse Auditdienst Rijk pa duna asistensia tékniko. • Suproyekto 4 ta enserá na promé lugá formulashon di un planifikashon ku tin respaldo pa e proseso kompleto di responsabilisashon i kontrol. Despues por adaptá e legislashon. Lo pidi Nederlandse Auditdienst Rijk pa duna asistensia tékniko den esaki tambe. <p>Pa maneho i koordinashon pa loke ta trata contenido di e suproyektonan lo nombra un manager di proyekto. Ademas lo instituí un grupo di resonansia.</p>
Resultadonan ku kier logra	<ul style="list-style-type: none"> • Un atministrashon finansiero kualitativo/adekuá den EnterpriseOne pa kada ministerio. • Ministerionan ta disponé di konosementu, kapasidat i hèrmèntnan pa por hasi nan mes responsabel finalmente pa minusiosidat i legitimidat di e informashon finansiero • Trabounan di kontrol adekuá di parti di IAD di Ministerio di Finansa. • Un planifikashon adaptá di e proseso di responsabilisashon i kontrol.
Kondishonnan, koherensia i/òf dependensia	<p>Ku stipulashon di e plan di aserkamentu akí Konseho di Minister ta tuma e desishon di prinsipio tambe ku kada ministerio lo bira esun responsabel final pa minusiosidat i legitimidat di e informashon finansiero. Kada ministerio mester duna e ora ei tambe su koperashon na ehekushon di e proyekto.</p>
Planifikashon	<p>E inventarisashon pa e suproyektonan 1 i 2 lo kuminsá segun espektativa na aprel 2022 (debí na e periodo di durashon di e destaho) i lo dura alrededor di 4 luna. E inventarisashon lo resultá den un plan di implementashon, di manera ku tomo di desishon al respekto por tuma lugá i pa despues e implementashon por tuma lugá (den fase). E meta ta pa riba 1 di yanüari 2023 kuminsá en todo kaso parsialmente ku e forma nobo di traha. Suproyekto 3 segun espektativa por kuminsá na febrüari i e meta ta pa finalisá e proyekto promé ku zomer di 2022. Suproyekto 4 ta dependé parsialmente di e resultadonan di suproyekto 3 i pa e motibu ei lo kuminsá segun espektativa den mei 2022. Ta premirá finalisashon promé ku fin di 2022.</p>